

影印汲古閣初印本
五唐人集

金荃集目錄

卷一

雜鳴曲

織錦詞

夜宴謠

蓮浦謠

郭處士擊甌歌

遐水謠

曉仙謠

錦城

曲 生襟屏風歌

嘲春風

舞衣曲

張

靜婉採蓮歌

并序

湘宮人歌

感篋歌

照

影曲 拂舞詞

太液池歌

薤場歌

雍

臺歌 吳苑行

常林歡歌

塞寒行

湖

陰詞

并序

蔣侯神歌

漢皇迎春詞



金荃集目錄

卷終

一

金荃集卷第一



東吳毛晉子晉訂



雞鳴埭曲

南朝天子射雉時
銀河耿耿星參差
銅壺漏斷夢初覺
寶馬塵高人未知
魚躍蓮東蕩宮沼
濛濛御柳懸
棲鳥紅粧萬戶鏡
中春碧樹一聲天下曉
盤踞勢窮三百年
朱方殺氣成愁煙
彗星拂地浪連海
戰鼓渡江塵漲天
繡龍畫雉填宮井
野火風驅燒九鼎
殿巢江燕砌生蒿
十二金人霜炯炯
芊綿

平綠臺城基暖色春容荒古陂寧知玉樹後庭曲
留待野棠如雪枝

織錦詞

丁東細漏侵瓊瑟影轉高梧月初出簇簌金梭萬
縷紅鴛鴦艷錦初成正錦中百結皆同心縈亂雲
盤相間深此意欲傳傳不得玫瑰作柱朱絃琴爲
君裁破合歡被星斗迢迢一作參寥共千里象尺熏爐
未覺秋碧池已有新蓮子

夜宴謠

長釵墜髮雙蜻蜓碧盡山斜開畫屏虬鬚公子五
侯客一飲千鍾如建瓴鸞咽妖唱圓無節眉斂湘
煙袖迴雪清夜恩情四座同莫令溝水東西別亭
亭蠟淚香珠殘暗露曉風羅幕寒飄颻戟帶儼相
次二十四枝龍畫竿裂管縈絃共繁曲芳樽細浪
傾春醪高樓客散杏花多脉脉新蟾如瞪目

蓮浦謠

鳴橈軋軋溪溶溶廢綠平煙吳苑東水清蓮媚兩
相向鏡裏見愁愁更紅白馬金鞍大堤上西江日

夕多風浪荷心有露似驪珠不是真圓亦搖蕩

郭處士擊甌歌

估粟金虬石潭古勺陂瀲灩幽脩語湘君寶馬上
神雲碎珮叢鈴滿煙雨吾聞三十六宮花離離軟
風吹春星斗稀玉晨冷磬破昏夢天露未乾香着
衣蘭釵委墜垂雲髮小響丁當逐迴雪晴碧煙滋
重疊山羅屏半掩桃花月太平天子駐雲車龍鑪
勃鬱雙蟠拏宮中近臣抱扇立侍女低鬟落翠花
亂珠觸續正跳蕩傾頭不覺金烏斜我亦爲君長

歎息緘情遠寄愁無色莫沾香夢綠楊絲千里春
風正無力

遐水謠

天兵九月渡遐水馬踏沙鳴驚雁起殺氣空高萬
里情塞寒如箭雙眸子狼煙堡上霜漫漫枯葉號
風天地乾犀帶鼠裘無暖色清光炯冷黃金鞍虜
塵如霧昏亭障隴首年年飛漢將麟閣無名期未
歸樓中思婦徒相望

曉仙謠

玉妃喚月歸海宮
月色澹白涵春空
銀河欲轉星
靨靨碧浪疊山埋
早紅宮花有露如新淚
小苑叢叢入寒翠
綺閣空傳唱漏聲
綱軒天辨凌雲字
遙遙珠帳連湘煙
鶴扇如霜金骨仙
碧簫曲盡綵霞動
下視九州皆悄然
秦王女騎紅尾鳳
半空回首晨雞弄
霧蓋狂塵億兆家
世人猶作牽情夢

錦城曲

蜀山攢黛留晴雪
簾筍蕨芽縈九折
江風吹巧剪霞綃
花上千枝杜鵑血
杜鵑飛入巖下叢
夜叫思

歸山月中巴水漾情情不盡文君織得春機紅怨
魄未歸芳艸死江頭學種相思子樹成寄與望鄉
人白帝荒城五十里

生襟屏風歌

玉墀暗接崑崙井井上無人金索冷畫壁陰森九
子堂階前細月鋪花影繡屏銀鴨香菴濛天上夢
歸花繞叢宜男漫作後庭草不似櫻桃千子紅

嘲春風

春風何處好別殿饒芳草苒弱轉鸞旗萎蕤吹雉

葆楊芳歷九門澹蕩入蘭蓀爭奈白團扇時時偷
主恩

舞衣曲

藕腸纖縷抽輕春煙機漠漠嬌娥嚙金梭浙瀝透
空薄剪落交刀吹斷雲張家公子夜聞雨夜向蘭
堂思楚舞蟬衫麟帶壓愁香偷得鶯簧鑲金縷管
含蘭氣嬌語悲胡槽雪腕鴛鴦絲芙蓉力弱應難
定楊柳風多不自持迴嚙笑語西牕客星斗寥寥
波脉脉不逐秦王捲象牀滿樓明月梨花白

張靜婉採蓮歌

并序

靜婉羊侃妓也其容絕世侃自爲採蓮二
曲今樂府所存失其故意因歌以俟採詩
者事具載梁史

蘭膏墜髮紅玉春燕釵拖頸拋盤雲城邊楊柳向
橋晚門前溝水波粼粼麒麟公子朝天客珂一作珮

馬璫璫渡春陌掌中無力舞衣輕剪斷鮫綃破春
碧抱月飄煙一尺腰麝臍龍髓憐嬌嬈秋羅拂水
碎光蓮露重花多香不銷鴻鵠交交一作膠膠塘水滿

綠芒如粟蓮莖短一夜西風送雨來粉痕零落愁
紅淺船頭折藕絲暗牽藕根蓮子相留連郎心似
月月未缺十五十六清光圓

湘宮人歌

池塘芳意濕夜半東風起生綠画羅屏金壺貯春
水黃粉楚宮人芳花玉刻鱗娟娟照棊燭不語兩
含嚬

感策歌

李相妓人吹

蠟煙如燾新蟾滿門外平沙草芽短黑頭丞相九

天歸夜聽飛瓊吹朔管情遠氣調蘭蕙薰天香瑞
彩含綉縕皓然纖指都揭血日暖碧霄無片雲含
商咀徵雙幽咽軟縠疎羅共蕭瑟不盡長圓疊翠
愁柳風吹破澄潭月鳴梭浙瀝金絲藻恨語殷勤
隴頭水漢將營前萬里沙更深一一霜鴻起十二
樓前花正繁交枝簇帶連壁門景陽宮女正愁絕
莫使此心催斷魂

照影曲

景陽粧罷瓊牕暖欲照澄明香步嬾橋上衣多抱

彩雲金鱗不動春塘滿黃印額山輕爲塵翠鱗紅
穉俱含嚙桃花百媚如欲語曾爲無雙今兩身

拂舞詞

黃河怒浪連天來大響肱肱如殷雷龍伯驅風不
敢上白川噴雪高崔嵬二十五絃何太哀請公莫
渡立徘徊下有狂蛟鋸爲尾裂帆截棹磨霜齒神
椎鑿石塞神潭白馬趨趨赤塵起公子躍馬揚玉
鞭滅沒高蹄日千里

太液池歌

腥鮮龍氣連清防花風漾漾吹細光疊瀾不定照
天井倒影蕩搖晴翠長平碧淺春生綠塘雲容雨
態連青蒼夜深銀漢通栢梁二十八宿朝玉堂

雉場歌

芟葉萋萋接煙曙鷄鳴埭上梨花露彩仗鏘鏘已
合團繡翎白頸遙相妬雕尾扇張金縷高碎鈴素
拂驪駒豪綠場紅跡來相接箭發銅牙傷彩毛麥
隴桑陰小山晚六虬歸去凝笳遠城頭却望幾含
情青畝春蕪連石苑

雍臺歌

太子池南樓百尺八牕新樹疎簾隔黃金鋪首画
鈎陳羽葆停幢拂交戟盤紆欄楯臨高臺殿帳臨
流鸞扇開早鴈驚鳴細波起映花鹵簿龍飛迴

吳苑行

錦雉雙飛梅結子平春遠綠牕中起吳江澹画水
連空三尺屏風隔千里小苑有門紅扇開天絲舞
蝶共徘徊綺戶雕楹長若此韶光歲歲如歸來

常林歡歌